

## Keliuonė pri jūras

Do piliūtė – Aguotė ė Juonis – ožsėmanė pri jūras nosėplukdītė. Anėi dā nikumet nebova matė tū vondėnū galībės.

I terbalė sosėdiejė abrūsus, dieki, moilus ė kėtuoki biesa. Dā somėslėjė isėdietė po baronka keliuonie pajiestė, je kartās išalkto.

Šėp tėp nusėplakė i ton Palonga. Vo ėe žmuoniū gīva pekla... Atgavė kvapieli, pasėlėda rėstiuom pri jūras.

Dā tebebova Basanavičiaus gatvie, ka dongus nosėmalevuojė jouduom spalvuom, saulelė pradieje kavuotėis ož debesū. Vo ka benuėjė pri jūras, ė pėrmėjė lītaus lašā papteliejė. Alė tuokėi dėdėlė – cielė kiaušė. Tėk sokielė kuojės i vondėni, ka pradieje perkūns vėršou spardītėis, lītos pėltė kap iš viedra... Jūra pradieje zlastītėis, šieliuotė, dėdliausės bongas i kronta mietītė. Ėsėgonda piliūtė tuokė puoėlsė ė muovė nomėj.

Skrend pīliūtė nomėj ė mėslėi: vo kuo anodo tėn baladuojuos, ka ė nomūs, sava prūdalie, galiejė pasėpliorkštė.